

**PREMIOS EXTRAORDINARIOS DE BACHARELATO. CURSO 2018-2019. (DOG 11 de abril de 2019)**

**1) DESTINATARIOS:** Alumnado que finalizase os estudos de bacharelato no ano académico 2018-2019, e ser proposto para título na convocatoria ordinaria de dito curso.

**2) REQUISITOS:**

a) Ter rematado os estudos de bacharelato no curso 2018-2019 nun centro docente da Comunidade Autónoma de Galicia, ben na modalidade presencial ou na modalidade a distancia e ser proposto para título na convocatoria ordinaria do dito curso.

b) Ter obtido unha cualificación final media nos dous cursos de bacharelato igual ou superior a **8,75** puntos *(A nota media calcularase de acordo co establecido na disposición adicional quinta do [Decreto 86/2015, do 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia, DOG do 29 de xuño de 2015](#))*

**3) RECOÑECIMENTO.**

1. Cada premio estará dotado con 1000 €.
2. Estes premios extraordinarios de bacharelato son compatibles con calquera outro premio, incluídos os premios nacionais de bacharelato.
3. O alumnado que obteña o premio extraordinario recibirá, ademais da contía económica, un diploma acreditativo e o/a secretario/a do centro público onde estea depositado o expediente académico, anotaralle nel a distinción.
4. Os/as alumnos/as que obteñan o premio extraordinario de bacharelato poderán concorrer, logo de inscrición, ao correspondente premio nacional.
5. O alumnado que obteña o premio extraordinario de bacharelato poderá estar exento, durante o primeiro ano e por unha soa vez, do pagamento dos prezos públicos por matrícula no primeiro curso dos estudos superiores nun centro público, segundo se estableza na normativa vixente para o curso 2019/2020

**4) PRAZO DE PRESENTACIÓN DE SOLICITUDES:** O prazo de presentación de solicitudes será dun mes, comenará o día 29 de abril de 2019 e rematará o día 28 de maio de 2019.

**5) FORMA E PRESENTACIÓN DA DOCUMENTACIÓN:**

As solicitudes deberán presentarse preferiblemente por vía electrónica a través do formulario normalizado da Xunta de Galicia, <https://sede.xunta.gal>. Será imprescindible cubrir previamente os datos na aplicación que se atopa no enderezo <https://www.edu.xunta.es/premiosedu>, desde onde deberá xerarse o formulario normalizado cuberto cos datos correspondentes.

Opcionalmente, poderanse presentar as solicitudes presencialmente en calquera dos lugares e rexistros establecidos na normativa reguladora do procedemento administrativo común.

Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

As solicitudes subscribiranas directamente as persoas interesadas con plena capacidade de obrar ou, se é o caso, os/as representantes legais dos/as solicitantes.

Se as dúbidas están relacionadas coa presente convocatoria, poderán facer as súas consultas no enderezo electrónico [premios@edu.xunta.es](mailto:premios@edu.xunta.es)

Os pasos a seguir para presentar a solicitude son os seguintes:

Para facer a solicitude hai que entrar na **aplicación premiosedu** <https://www.edu.xunta.es/premiosedu> con usuario de Chave 365 ou con certificado dixital. Despois de acceder á aplicación premiosedu, hai que seleccionar a opción de **menú “Solicitudes”**. Deseguido aparecerá unha pantalla con lapelas na que hai que comprobar e/ou cubrir os datos persoais e de contacto, os datos académicos e os méritos a alegar. Despois de cubrir a información descrita, **accederase á lapela “Solicitudes”**. Nesta lapela hai que **premer no botón “Engadir”** e completar o resto de información relativa á solicitude. **Unha vez cuberta a solicitude hai que gardar o borrador da mesma para poder facer a presentación electrónica**

### Comprobación de datos.

No caso de que as persoas interesadas se opoñan a consulta de datos automática, deberán indicalo no cadro correspondente habilitado no formulario de inicio e achegar os documentos.

COMPROBACIÓN DE DATOS	
Os documentos relacionados serán obxecto de consulta ás administracións públicas. No caso de que as persoas interesadas se opoñan a esta consulta, deberán indicalo no recadro correspondente e achegar unha copia dos documentos.	OPÓÑOME Á CONSULTA
DNI/NIE da persoa solicitante	<input type="checkbox"/>
Expediente dos estudos de bacharelato cursados pola persoa solicitante	<input type="checkbox"/>
Certificado de estar ao día no pagamento de obrigas tributarias coa AEAT	<input type="checkbox"/>
Certificado de estar ao día no pagamento coa Seguridade Social	<input type="checkbox"/>
Certificado de estar ao día no pagamento de obrigas tributarias coa Atriga	<input type="checkbox"/>
Consulta de inhabilitacións para obter subvencións e axudas	<input type="checkbox"/>

## 6) REALIZACIÓN DA PROBA PARA A OBTENCIÓN DO PREMIO

O alumnado deberá realizar unha proba que terá carácter único en todo o territorio da Comunidade, que terá lugar de forma simultánea nas distintas sedes.

A realización da proba terá lugar o día 27 de xuño de 2019 e realizarase nos lugares e no horario que se darán a coñecer mediante resolución publicada no *Diario Oficial de Galicia* e no portal educativo da Consellería de Educación, Universidade e Formación Profesional (<https://www.edu.xunta.gal>).

Os candidatos e as candidatas deberán realizar as probas, con carácter xeral, na provincia a que pertenza o centro educativo en que se atope o seu expediente académico.

A Dirección Xeral de Educación, Formación Profesional e Innovación Educativa poderá autorizar cambios de sede por causas debidamente xustificadas.

Para a realización das probas os candidatos e as candidatas acreditarán a súa identidade co DNI, pasaporte ou calquera outro documento recoñecido en dereito

## **7) ESTRUCTURA DA PROBA.**

A proba estrutúrase en dúas partes.

### **1.1. Primeira parte: Duración da proba 2 horas.**

1.1.1. Análise e comentario crítico dun texto sobre un tema de carácter xeral, histórico, filosófico ou literario.

1.1.2. Resposta a cuestións de carácter cultural ou lingüístico sobre un texto na 1ª lingua estranxeira II cursada polo alumnado como materia xeral do bloque de materias troncais do bacharelato. O exercicio realizarase sen dicionario no idioma correspondente.

### **1.2. Segunda parte: Duración da proba 1 hora**

1.2.1. Desenvolvemento de temas, respostas a cuestións e/ou exercicios prácticos dunha materia propia da modalidade e cursada polo alumno, a elixir entre as seguintes:

**Matemáticas II.**

**Matemáticas Aplicadas ás Ciencias Sociais II.**

**Latín II.**

**Fundamentos da Arte II.**

2. Os exercicios da proba cualificarase entre 0 e 10 puntos cun decimal.

A puntuación total será a suma total de cada unha das cualificacións obtidas. Para aspirar ao premio extraordinario, o alumnado deberá obter, como mínimo, cinco puntos en cada unha das materias da proba e 21 puntos ou máis na cualificación total.

## **8) PUBLICACIÓN E INFORMACIÓN:**

A relación de alumnado admitido e excluído e as puntuacións obtidas polos candidatos e candidatas publicaranse no portal educativo <https://www.edu.xunta.gal> e na páxina de inicio da aplicación <https://www.edu.xunta.es/premiosedu>, de conformidade co establecido

no artigo 45 da Lei 39/2015, do 1 de outubro, do procedemento administrativo común das administracións públicas.

Poderase solicitar información no enderezo de correo electrónico [premios@edu.xunta.es](mailto:premios@edu.xunta.es)

## **9) PERIODO DE RECLAMACIÓN:**

O alumnado examinado, ou os seus pais/nais ou representantes legais, poderá presentar reclamación contra a puntuación obtida, no prazo de dez días a partir do seguinte ao da súa publicación.

A reclamación presentarase preferiblemente por vía electrónica a través do anexo II dispoñible na sede electrónica da Xunta de Galicia, <https://sede.xunta.gal>.

Opcionalmente, a reclamación poderase presentar presencialmente en calquera dos lugares e rexistros establecidos na normativa reguladora do procedemento administrativo común.

Para a presentación da reclamación poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

Ademais, poderase adiantar o envío por correo electrónico ao enderezo [premios@edu.xunta.es](mailto:premios@edu.xunta.es)

As probas sobre as que se solicitase esta reclamación serán revisadas por un profesor ou profesora especialista distinto ao/a que realizou a primeira corrección.

A puntuación final resultará da media aritmética das puntuacións obtidas nas dúas correccións. No suposto de que existise unha diferenza de 2 ou máis puntos entre elas, o tribunal efectuará, de oficio, unha terceira corrección e a puntuación final será a media aritmética das tres.

## **OUTROS DATOS DE INTERESE**

• Os/as alumnos/as que obteñan o premio extraordinario de bacharelato poderán concorrer, logo de inscrición, ao correspondente premio nacional.

• O alumnado premiado presentará certificación de titularidade dunha conta bancaria con 24 díxitos e declarar sobre a veracidade dos datos relativos á dita conta en que se ingresará, mediante transferencia bancaria, a dotación do premio, segundo o modelo de anexo III. O importe do premio estará suxeito ás retencións que legalmente correspondan.

Ademais da información recollida no *Diario Oficial de Galicia*, ( 11 de abril de 2019) o alumnado poderá informarse nos seguintes enlaces:

- Portal educativo <https://www.edu.xunta.gal>.
- Web Xunta coa información: <http://www.edu.xunta.gal/portal/node/27526>
- Aplicación web da Xunta de Galicia para facer a solicitude [.https://www.edu.xunta.es/premiosedu/](https://www.edu.xunta.es/premiosedu/) Podes consultar a orde da convocatoria, acceder a modelos de probas de anos anteriores e realizar a solicitude de inscrición. Para facer a solicitude hai que entrar na aplicación *premiosedu* con usuario de Chave 365 ou con certificado dixital. Despois de acceder á aplicación *premiosedu*, hai que seleccionar a opción de menú “Solicitudes”. Deseguido aparecerá unha pantalla con lapelas na que hai que comprobar e/ou cubrir os datos persoais e de contacto, os datos académicos e os méritos a alegar. Despois de cubrir a información descrita, accederase á lapela “Solicitudes”. Nesta lapela hai que premer no botón “Engadir” e completar o resto de información relativa á solicitude. Unha vez cuberta a solicitude hai que gardar o borrador da mesma para poder facer a presentación electrónica.

- Unidade de Atención a Centros (UAC). O teléfono da Unidade de Atención a Centros e o seguinte:881.99.77.01.

En Monterroso a 23 de abril de 2019.

A Orientadora.